

GUIDELINE FOR PIGGERY IN AIZAWL MUNICIPALITY

1. Aizawl Municipality huam chhungah midangte tana hnawk leh rimchhia te, a thli enkawl lova leimin leh harsatna dang thlen thei zawngin vawkvulh hi phal a ni tawh dawn lo.
2. Aizawl Municipal area chhunga vawk vulh duh te chuan chenna inhna ber atanga feet 100 a hlaah an vulh thei ang a. Tin, hmun thenkhatah Local Council leh chenna in hnai ber te nena endikin harsatna siam lo tura ngaih a nih chuan ngaihna thiam theih a ni ang. Hetianga ngaihna thiamna dil duh chuan Local Council kaltlangin AMC ah dil tur a ni.
3. Aizawl Municipal area chhunga vawk vulh reng reng fel taka chhinchhia tur a ni a. Local Council kaltlangin vengtinah vawkvulh ten registration tih fel thlap tur a ni.
4. Registration tih hun leh a fee zat te, registration tih dan tur chu AMC in ruahmanna a siam thin ang.
5. Hetianga register loh vawk vulh te chu Mizoram Municipalities Act 2007 angin a tul anga action lak leh chawi tir an ni ang.
6. Vawk vulhtuten hetiang hian an vawk te hrisel nan leh an vawk vulhna hmun ti thianglim turin hman an la ngei ngei tur a ni:
 - a. Vawk in hi tha taka sak tur a ni a, hmun him leh min mai thei loah sak tur a ni. Tih fai that a nih theihnan vawk in chhuat hi PCC/RCC flooring ni se.
 - b. Vawk in hi 6ft tala sang, boruak thengthaw tha taka sak tur a ni a. Vawk in hi vawk tana chep lo leh thawl tha a ni tur a ni.
 - c. Vawk zun leh ek thli te inchhekkhawl lovin an tih fai tha tur a ni a. Vawk leh a in hi an silfai thain an ti thianglim tur a ni a. Heng thli te hi leia luang ral leh inchiah ral mai lovin drain tha tak siamin an la khawm ang a, tuilankawr hnai berah an zawm tir ngei tur a ni.
 - d. Kawngpui leh lui hnaih lutuk ah vawk in hi sak loh tur a ni.
 - e. Vawk vulh tuten an ran te hriselna an ngai pawimawh tur a ni a. Vawk hri leng thin laka invennan vawk in hi a theih chuan inzawm lova sak ni se, vawk vulh te pawh AMC/AH&Vety Doctor te endik tir thinin a hun takah deworming tih thin te, vaccine lak tir te, Sawrkarin biosecurity measure a siam te tha taka zawm thin tur a ni.
 - f. Vawk dam lo awm palha dah hranna tur neih theih anih chuan a lawmawm hle ang.
7. Vawk vulhna hmun te hi AMC leh Local Council ten an endik thin ang.
8. Vawk vulhtuten vawk dam lo leh hrisel lo an hralh tur a ni lo.
9. Inkaihraina dan zawm lo te chu dan angin an chungah khauh taka action lak a ni ang.